

si inter hos emotæ fermeque præcipitatae mentis æstus aliquotfariam cæspitarim, lector, humanæ maxime conscius imbecillitatis faciliorem quæsos des veniam.

Inter signandas Gregorii sententias, cum editione Nivelliana fuisse usus, posteaque comperissem a prioribus dissidere ob mutatas sectiones in libris Job, illam primo, istam secundo expressi numero. In quibus præterea illud tibi venit observandum, ne, si in designato loco, sententiam aliquoties mutilam vel intercasam repereris, me statim de falsitate vel oscitantia appelles. Garnerus enim plerumque non pauca missa fecit consulto, quia vel ad enodandam propositæ dictionis ambiguitatem nihil aut parum conduceat. Adde quod plusquam semel mutantur orationis Gregorianæ ordinem, ita ut prima posterius, postiore prius sumpserit. Quæ si aliquoties occur sarint, marginale scholium præmonebit.

In notandis capitulorum Biblicorum versiculis secutus sum editionem Lovaniensem anni 1572. Eorumdem versiculorum non infrequentem prætermissionem dabis operario aliud in mente operanti; cætera, si lubet, et illi et mihi. Nihil enim humani profiteor a me alienum. De hujus vero Gregorianæ Anthologiae, fructu et suavitate dicam post secundam prefationis partem. Antequam illud te pervelim exoratum, ne, instar Polyceratis matrem, me patris laborem insigniori exornasse titulo causeris; quod dixerim ejus opus esse celestium voluminum studiosis pernecessarium, ac ecclesiasticis. Neque enim meum, sed Sixti Semensis, naris alioqui emunctissimæ est judicium. Bene vale, huncque sacrarum copiarum thesaurum profunde in majorem Dei scientiarum Domini (ut Anna prophetissa 1 Reg. ii canit) gloriam, laudem et honorem.

## ELOGIUM DE HUJUS OPERIS PRÆSTANTIA ET UTILITATE.

Ex libro quarto *Bibliothecæ sanctæ Sixti Senensis.*

**Garnerus** (sic enim v. c.) cœnobii Victorini apud Parisios subprior, vir ritæ sanctimonia, et pia eruditio clara, collegit digessisque decentissimo ordine ex omnibus scriptis D. Gregorii papæ libros sexdecim de allegoricis typis nominum ac rerum omnium in sacris litteris contentarum, quos Enucleamenta Biblia inscripsit. Opus sane dignum, quod a studiosis divine Scripturæ obviis excipiatur ulnis. Ejus initium est: Deus aliquando in sacra Scriptura. Claruit sub Ruperto Bavarо Romanorum rege, anno Domini 1400.

Hactenus Sextus. Ex cuius testimonio hæc expungere veritatis studium coegit. Primo quod vocet Garnerus Parisiensem, cum tamen in prima editione nihil adverterit quod id affirmet, vel conjectandi fiduciam præbeat vel ansam, nisi forsitan quod appelletur, subprior S. Victoris Parisiensis. At quam frigida sit hæc conjectura, ex hoc uno, ut cætera perstringam, elicitor, quod D. Bernardus sit patria Clarævallensis, quia cœnobium Clarævallense administrarit.

Titulum Enucleamenta Biblia, depositi, reposito eo quem Garneri autographum præferebat.

Claruisse anno 1400 divinans scripsit non affirmans, nempe quod cerneret volumen evulgatum anno 1518, et quidem aliena vigilantia. Calculus autem meus ducentus et aliquot excedit annis. Nam in continuo canonieorum nostrorum laterculo incipiente ab anno 1300 deducto que ad nostra tempora nullus hujus nominis et honoris occurrit. Baleus in centuria tertia Scriptorum Anglia recenset Nigellum Wierekerium monachum et præcentorem Cantuariensis Ecclesiæ illustrem anno Christi 1200 delibasse ex Garneri viridario lib. i Florum his incipientem verbis: Sublimitas supernarum potestatum. Quod quidem repertus lib. i, cap. 3, in Gregoriano Garneri nostri.

Absalon noster canonicus (nam Arnoldus Wion sui Ligni ritæ, pag. 883, Benedictinis inique commis- cuit, ut alias fusius, si Dominus voluerit, effundemus), tandemque abbas canonicorum Sprencekeirs hacem- sium in diocesi Treverensi, Wierekerii coætaneus, edidit Breviarium ejusdem Garneri serie alphabeticâ quod exstat ms. in nostra Bibliotheca. Cum igitur quadringtonos post annos duo illi scriptores reliquerint posteritati epitomen Garneri, liqueat eum sub undecimi sæculi auroram protulisse in solem hancce vigiliam suam.

## F. JOANNIS PICARDI PRÆFATIO.

Nescio an sanctorum Patrum quæpiam tot scri-  
ptores transtulerint, breviarint et deflorarint, quot  
D. Gregorium papam. Translatorum autem princeps  
fuit Anastasius, patriarcha Antiochenus, qui Gregorio adhuc spirante, ejus *Pastorale Græcia* auribus  
dedit. Quam ob causam lib. x. Registri, epist. 22,  
modeste conquerens ita scribit ad Joannem Ravennæ  
hypodiaconum: *Quia dilectissimæ memoriarum Anatolius diaconus querenti ac jubenti Romano imperatori librum Regula Pastoralis dedit, ægre suscepit. Quem sanctissimus frater et coepiscopus meus Anastasius Antiochenus in Græcam linguam transtulit. Et sicut mihi scriptum est, ei valde placuit; sed mihi valde*

*A displicuit, ut qui meliora habent, in minimis occipi- pentur.*

Annum redemptionis humanæ circiter octingentum septuagesimum Elfredus Westsaxorum rex tum probus, tum eruditus idem *Pastorale* in Anglicam vertit linguam; aliquando (ut ipse met testatur in proloquo, quod videbis in calce Vitæ ejusdem ab Assero Syreburnensi episcopo scriptæ) verbum de verbo exprimens, interdum autem sensum ex sensu, sicuti egomet didiceram a Peigmundo archiepiscopo meo et Assero antistite meo; nec non a Grimbaldo et Joanne mihi a sacris. A quibus posteaq; am librum ita didicissem, ut penitus perciperem quæmad-